

**VIJEĆNIČKA PITANJA I INICIJATIVE**

Datum održavanja sjednice Općinskog vijeća Stari Grad Sarajevo: 29.11.2022. godine

1.	Ime i prezime vijećnika:	Almedina Zukorlić Pašalić
	Tekst pitanja/inicijative	<i>Da li je površina iznad parkinga u ulici Budžak vlasništvo Općine Stari Grad?</i>
	Obrazloženje pitanja/inicijative:	<i>„U ulici Budžak, preko puta stambenih zgrada nalazi se parking za navedene stanare, a iznad parkinga je neiskorištena površina za koju želim uputiti inicijativu da se izgradi igralište za djecu. U ovom dijelu naše Općine nalaze se i predškolske ustanove čime bismo pomogli njihov rad obezbjeđivanjem većeg igrališta na javnoj površini. No prije nego uputim inicijativu, zamolila bih za odgovor da li je površina vlasništvo Općine Stari Grad?“</i>
	Odgovor:	Cijeneći da je navedeno pitanje upućeno u svrhu prikupljanja podataka za kasnije eventualno upućivanje inicijative prema Općinskom vijeću za izgradnju dječijeg igrališta, obavezni smo da odgovor kao i podatke koje dostavimo budu tačni i precizni. Stoga, neophodno je da nam dostavite preciznije podatke, u smislu predmetne lokacije ili eventualno fotografiju, kako bi Odsjek za katastar i geodetske poslove dostavio precizne podatke u pogledu broja katastarske čestice i podataka o vlasništvu i posjedu, a potom Služba za urbanizma podatke koji se odnose na provedbeno-plansku dokumentaciju, za predmetnu lokaciju, odnosno katastarske čestice.
Odgovor dala:	Služba za imovinsko-pravne, geodetske poslove i katastar i stambene poslove	

Stručna obrada:

Služba za imovinsko-pravne, geodetske poslove i katastar i stambene poslove

Pomoćnica načelnika: Adela Plakalo


## VIJEĆNIČKA PITANJA I INICIJATIVE

Datum održavanja sjednice Općinskog vijeća Stari Grad Sarajevo: 29.11.2022. godine

1.	ini	Almedina Zukorlić Pašalić
	Tekst pitanja/inicijative	Inicijativa za besplatne užine za osnovce i srednjoškolce iz socijalno ranjivih kategorija na području Općine Stari Grad.
	Obrazloženje pitanja/inicijative:	<i>„U državi sa velikom nezaposlenošću poput Bosne i Hercegovine, svaka bh. općina se suočava sa velikim brojem roditelja koji ne mogu priuštiti svojoj djeci užinu. Odrastanje u siromaštvu na dijete može ostaviti ozbiljne posljedice, kako fizičke, tako i psihičke. Za pravilan razvoj djeteta potrebna je kvalitetna, uravnotežena ishrana, što podrazumijeva pravilan unos bjelančevina, ugljikohidrata, masti i vitamina. Imajući u vidu pomoć koju Općina Stari Grad pruža građanima/kama u stanju socijalne potrebe, molim vas da inicijativu prosljedite resornim ministarstvima kako bismo iznos od 20.000,00 KM za obezbjeđivanje besplatne užine za osnovce povećali i njome uvrstili i srednjoškolce sa područja Općine Stari Grad.“</i>
	Odgovor:	Inicijativa je aktom broj 15-34-22-267/22 od 19.12.2022. godine prosljedena Ministarstvu za odgoj i obrazovanje Kantona Sarajevo, te aktom broj: 15-34-22-268/22 od 19.12.2022. godine Ministarstvu za rad, socijalnu politiku, raseljena lica i izbjeglice Kantona Sarajevo.
	Odgovor dala:	Služba kabineta Općinskog načelnika

Stručna obrada:

Služba za obrazovanje, kulturu i sport

Po ovlaštenju Općinskog načelnika pomoćnik načelnika:  Adela Plakalo

**VIJEĆNIČKA PITANJA I INICIJATIVE**

Datum održavanja sjednice Općinskog vijeća Stari Grad Sarajevo: 29.11.2022. godine

1.	Ime i prezime vijećnika:	Almedina Zukorlić Pašalić
	Tekst pitanja/inicijative	<i>Inicijativa za stipendiranje građana/građanki sa područja Općine Stari Grad za doktorske studije.</i>
	Obrazloženje pitanja/inicijative:	<i>„Zbog značaja akademskog razvoja, a u cilju podrške unaprjeđenju visokog formalog obrazovanja, upućujem inicijativu za stipendiranje građana/građanki sa područja Općine Stari Grad za doktorske studije. Općina Stari Grad za brojne kategorije stanovništva pruža podršku i pomoć, a podrškom doktorantima podstakli bismo izuzetnost, ohrabрили najbolje da nastave da uče i da se usavršavaju zbog svoje budućnosti, ali i budućnosti narednih generacije i budućnosti Bosne i Hercegovine. S obzirom na to da se shodno kapacitetima naše Općine ne očekuje stipendiranje ukupnog broja doktoranata iz Općine Stari Grad, smatramo dostatnim i ovu kategoriju stipendirati u određenom broju u početnoj fazi.“</i>
	Odgovor:	Uvažavajući neosporni značaj kvalitetnog obrazovanja, kao temelja svakog progresivnog društva, Općina Stari Grad Sarajevo na čelu sa Općinskim načelnikom ulaže iznimne napore da se iznađu sredstva, te ista usmjere na stipendije za nadarene učenike, studente, kao i djecu pripadnika boračke populacije, ali i za učenike šegrte, te posebno uzimajući u obzir da su navedene stipendije znatno povećane za 2023. godinu, nema prostora da se uvaži navedena inicijativa. Također, skrećemo pažnju da se ne zanemaruje izvrsnost, stoga se svake godine dodjele posebne nagrade za sve dobitnike zlatne i srebrne značke. Resorono ministarstvo bi svakako trebalo da uloži dodatne napore, te da kontinuirano sufinansira troškove doktorskih studija, posebno obzirom na nadležnosti, kao i sredstva u Budžetu.
Odgovor dala:	Služba kabineta Općinskog načelnika	

Stručna obrada:

Služba kabineta Općinskog načelnika


Po ovlaštenju Općinskog načelnika rukovodilac Službe: Adela Plakalo



## VIJEĆNIČKA PITANJA I INICIJATIVE

Datum održavanja sjednice Općinskog vijeća Stari Grad Sarajevo: 29. novembar, 2022. godine

	Ime i prezime vijećnika:	Almedina Zukorlić - Pašalić (Narod i pravda)
	Tekst pitanja/inicijative	Pitanje- Broj i položaj mladih u Općini Stari Grad Sarajevo za 2020. i 2021.
	Obrazloženje pitanja/inicijative:	<p>Shodno elementima zapošljavanja, obrazovanja, obuke i ekonomije, može se odrediti ekonomski i socijalni položaj mladih. Prema tome, molim nadležnu službu da dostavi dostupne podatke za 2020. i 2021. godinu o:</p> <ul style="list-style-type: none"> <li>- o broju mladih u općini Stari Grad,</li> <li>- o starosnoj dobi,</li> <li>- broju mladih koji pohađaju nastavu u srednjim školama (broj) i</li> <li>- broju studenata na fakultetima (broj) Univerziteta u Kantonu Sarajevo</li> <li>- ukupnom broju nezaposlenih</li> </ul>
3.	Odgovor:	<p>Služba za lokalni razvoj i poslove mjesnih zajednica je ažurirala bazu podataka o broju i položaju mladih u Općini Stari Grad za 2020/2001 godinu. Ova baza sadrži podatke o broju mladih s prebivalištem u Općini Stari Grad starosne dobi od 15 do 30. godina, o broju mladih prijavljenih na evidenciji biroa i broju nezaposlenih u ovoj kategoriji. Također, baza sadrži podatke o broju mladih s prebivalištem u Općini Stari Grad koji pohađaju srednje škole u Kantonu Sarajevo kao i fakultete Univerziteta u Sarajevu.</p> <p>Prema podacima Agencije za identifikaciona dokumenta evidenciju i razmjenu podataka BiH stalno mjesto prebivališta u Općini Stari Grad ima 6.778 osoba starosne dobi od 18 do 30 godina.</p> <p>Biro Stari Grad u svojoj evidenciji ima 992 nezaposlenih osoba starosne dobi od 18 do 30 godina, od ukupno 6.778 prijavljenih lica s mjestom prebivališta u Općini Stari Grad.</p> <p>Na osnovu rezultata dobivenih kroz istraživanja i provedene analize 939 učenika starosne dobi od 15 do 18 godina s područja Općine Stari Grad pohađa nastavu u 31 srednjoj školi u Kantonu Sarajevo.</p> <p>Također, ukupno 1.000 mladih sa prebivalištem u Općini Stari Grad su studenti 43 fakulteta Univerziteta u Sarajevu. U toku je ažuriranje podataka o broju i položaju mladih za 2022/2023. godini.</p>
	Odgovor dala:	Služba lokalni razvoj i poslove mjesnih zajednica



**VIJEĆNIČKA PITANJA I INICIJATIVE**Datum održavanja sjednice Općinskog vijeća Stari Grad Sarajevo: 29. novembar, 2022.  
godine

1.	Ime i prezime vijećnika:	Almedina Zukorlić- Pašalić (Narod i pravda)
	Tekst pitanja/inicijative	Inicijativa za registar udruženja/organizacija i fondacija sa prebivalištem na području Općine Stari Grad Sarajevo.
	Obrazloženje pitanja/inicijative:	Općina Stari Grad je prepoznala važnost ulaganja u ustanove i društva kulture, nauke i umjetnosti. Međutim, ulaganje u ustanove/društva/udruženja/organizacije i fondacije potrebno je smatrati investicijom a ne troškom za Općinu Stari Grad. U cilju sistemskog djelovanja, uvida u rad i realizaciju projekata koje Općina Stari Grad podržava, a radi transparentnosti i efikasnosti Općine Stari Grad podnosim inicijativu o uspostavljanju registra udruženja/organizacija i fondacija sa prebivalištem na području Općine Stari Grad Sarajevo. Molim vijećnice i vijećnike da se izjasne o ovoj inicijativi.
	Odgovor:	Općina Stari Grad Sarajevo je u toku 2012. godine realizovala projekat pod nazivom "Baza podataka NVO". Osnovna svrha ove baze podataka je sistematična evidencija, a ujedno baza služi kao izvor informacija za sve one koji saraduju sa organizacijama civilnog društva. Baza podataka sadrži 12 oblasti djelovanja unutar kojih je razvrstano oko 100 organizacija civilnog društva sa sjedištem na području Općine Stari Grad Sarajevo. Ova baza podataka se ažurira na godišnjem nivou putem nadležne Službe za lokalni razvoj i poslove mjesnih zajednica. Baza podataka NVO dostupna je na sljedećem linku: <a href="http://starigrad.ba/v2/txt.php?id=422">http://starigrad.ba/v2/txt.php?id=422</a>
Odgovor dala:	Služba lokalni razvoj i poslove MZ	

**PO OVLAŠTENJU OPĆINSKOG NAČELNIKA  
POMOĆNIK NAČELNIKA**

Sanin Hadžibajrić



## VIJEĆNIČKA PITANJA I INICIJATIVE

Postavljena na 20. redovnoj sjednici Općinskog vijeća Stari Grad Sarajevo

1.	Ime i prezime vijećnika:	Almedina Zukorlić Pašalić
	Tekst pitanja/inicijative	Inicijativa - Podrška radu KJU „Porodično savjetovalište“
	Obrazloženje pitanja/inicijative:	Općina Stari Grad Sarajevo je sa KJU „Porodično savjetovalište“ potpisala Protokol o saradnji s ciljem zajedničkog djelovanja na unaprijeđenju kvaliteta života građana Starog Grada, a sa fokusom na očuvanju mentalnog zdravlja, te jačanja porodice kao temelja našeg društva. Protokol o saradnji uključuje i zajedničku organizaciju „Porodičnog dana u Općini Stari Grad“ sa ciljem promovisanja porodičnih vrijednosti i osnaživanju porodice u svim njenim segmentima. Tokom Porodičnog dana će se promovisati, animirati i upućivati u savjetovališta porodice kojima je potrebna pomoć i podrška, a u skladu sa djelatnošću i načinom rada savjetovališta. Direktorica Poljak je najavila i program „Priprema za brak“ kao još jedan od načina da se ljudi upute na savjetovalište. U vezi sa tim, a na osnovu potpisanog Protokola. Upućujem inicijativu da Općina Stari Grad podrži rad KJU „Porodično savjetovalište“ iznosom od 5.000,00KM
	Odgovor:	<p>U vezi Vaše inicijative - podrška radu KJU „Porodično savjetovalište“ obavještavamo Vas da je isto osnovano Odlukom o osnivanju kantonalne javne ustanove „Porodično savjetovalište“ te da se sredstva za rad Savjetovališta obezbjeđuju prvenstveno iz Budžeta Kantona Sarajevo, a čijim sredstvima savjetovalište raspolaže u skladu sa Zakonom o izvršavanju Budžeta Kantona Sarajevo.</p> <p>U okviru djelatnosti kantonalnog centra koje su propisane Odlukom su i organizovanje aktivnosti od preventivnog značaja za oblast socijalne zaštite, a za koje su već osigurana sredstva Budžetom Kantona Sarajevo.</p> <p>Protokol o saradnji Općine Stari Grad Sarajevo i KJU „Porodično savjetovalište“ ne obavezuje općinu da istom pruža finansijsku podršku.</p>
Odgovor dala:	Služba za boračko - invalidsku i socijalnu zaštitu Služba za finansije	

Stručna obrada:

Služba za boračko - invalidsku i socijalnu zaštitu

Služba za finansije

Sarajevo; 19.12.2022. godine

## VIJEĆNIČKA PITANJA I INICIJATIVE

Postavljena na 20. redovnoj sjednici Općinskog vijeća Stari Grad Sarajevo

1.	<p style="text-align: center;">Ime i prezime vijećnika:</p>	<p style="text-align: center;">Almedina Zukorlić Pašalić</p>
	<p style="text-align: center;">Tekst pitanja/inicijative</p>	<p style="text-align: center;">Inicijativa za izradu socijalne karte Općine Stari Grad</p>
	<p style="text-align: center;">Obrazloženje pitanja/inicijative:</p>	<p>Sve je veći broj građana koji se nalaze u stanju socijalne potrebe, a enormno povećanje cijena životnih namirnica i ostalih proizvoda dovelo je do toga da brojni građani i građanke sebi ne mogu priuštiti pripremu barem jednog obroka dnevno. Korisnici javne kuhinje nisu samo oni koji nemaju nikakvih primanja. Među njima je mnoštvo onih koji imaju minimalnu penziju, a koju uglavnom potroše na lijekove ali i onih koji rade, ali kojima, kad od svojih primanja poplaćaju sve račune, rate za kredite, školske potrebe za djecu — za hranu ne ostane ništa.</p> <p>Kroz budžet, Općina Stari Grad je za Narodnu kuhinju Stari Grad za prethodnih više od 10 godina obezbijedila pola miliona konvertibilnih maraka, a u fazi izgradnje je i stambeni objekat za zbrinjavanje najugroženijih kategorija, a sve u cilju obezbjeđivanja socijalne sigurnosti i povećanja standarda kvaliteta života svih građana. Kako bismo sistemski pristupili ovom problemu, neophodno je prikupiti podatke o tome koliko je građana/ki u stanju potrebe i kojoj vrsti potrebe te koliko je građana/ki kojima nije potrebna pomoć odnosno pregled takvih podataka u formi dokumenta ili elektronske baze. Socijalna karta za Općinu Stari Grad podrazumijeva demografsku strukturu stanovništva (spolne, starijsne, obrazovne), stope nezaposlenosti, visine zarade, pregled radno-aktivnog stanovništva, kao i druge bitne pokazatelje socio-ekonomskog stanja stanovništva. Naime, riječ je o agregatnim podacima od ključne važnosti za adekvatno planiranje akcija, koje nisu striktno vezane samo za socijalnu politiku i socijalnu zaštitu, već obuhvataju i oblasti zdravstvene, porodične/dječije, obrazovne, radne, kulturne, boračke, migracione i penzione politike. Socijalna karta omogućava da se odrede prioriteti socijalnog razvoja, koji bi bili usaglašeni sa stvarnim potrebama građana i ekonomskim mogućnostima postojećeg sistema. Prednost postojanja Socijalne karte Općine Stari Grad za građane/ke sastoji se u tome da će službama kroz bazu podataka biti dostupne informacije a socioekonomskom statusu građana/ki te shodno tome građani/ke neće imati potrebu dostavljati bezbroj papira/dokumenata za dokazivanje istog.</p> <p>Molim vijećnike/vijećnice da se izjasne a inicijativi.</p>

Odgovor:	<p>Općina Stari Grad Sarajevo je u prethodnom periodu započela implementaciju aktivnosti kroz koje će biti unaprijeđene usluge u oblasti socijalnih davanja licima u stanju socijalne potrebe, kroz uspostavu jedinstvene baze podataka o socijalno ugroženom stanovništvu, na osnovu koje će biti unaprijeđene usluge u oblasti socijalne zaštite, kvalitetnije planiranje i provođenje mjera socijalne politike u cilju poboljšanja životnih uslova stanovnika sa područja Općine Stari Grad Sarajevo.</p> <p>Nadležna općinska Služba za boračko-invalidsku i socijalnu zaštitu, bazu podataka socijalno ugroženog stanovništva koristi isključivo u svrhu efikasnijih učinaka prilikom realizacije socijalnih mjera koje provodi Općina Stari Grad Sarajevo. Podaci o istima se redovno ažuriraju, a aktivnosti podrazumijevaju i redovne posjete od strane uposlenika nadležne općinske Službe korisnicima koji se vode u bazi podataka socijalno ugroženih stanovnika.</p> <p>Općina Stari Grad Sarajevo vodi računa o poštivanju privatnosti korisnika socijalnih davanja, a cijeneći osjetljivost ovih podataka, informacije iz baze o socijalno ugroženom stanovništvu sa područja Starog Grada ne mogu biti dostupne široj javnosti.</p>
Odgovor dala:	<p>Služba za boračko - invalidsku i socijalnu zaštitu Služba za lokalni razvoj i poslove mjesnih zajednica</p>

Stručna obrada:

Služba za boračko - invalidsku i socijalnu zaštitu

Služba za lokalni razvoj i poslove mjesnih zajednica

Sarajevo; 19.12.2022. godine



3.	Ime i prezime vijećnika:	<b>ALMEDINA ZUKORLIĆ PAŠALIĆ</b>
	Tekst pitanja/inicijative	Inicijativa - Rekonstrukcija sistema javne rasvjete (LED rasvjeta sa pametnim kućištem za videonadzor i druge mogućnosti kroz više etapa) na glavnoj saobraćajnici duž cijele Općine Stari Grad Sarajevo.
	Obrazloženje pitanja/inicijative:	S obzirom na najave u pojedinim sarajevskim općinama o rekonstrukciji sistema javne rasvjete, molim Vas da inicijativu dostavite Ministarstvu komunalne privrede, infrastrukture, prostornog uređenja, građenja i zaštite okoliša KS kako bi Općina Stari Grad Sarajevo bila uvrštena u red općina za realizaciju projekta uvođenja LED rasvjete na glavnoj saobraćajnici duž cijele Općine Stari Grad Sarajevo. LED rasvjeta pruža najučinkovitiji način za uštedu energije i očuvanje naših prirodnih resursa. Uzimajući u obzir iskustva



		drugih manjih gradova koji LED rasvjetu koriste već duže vrijeme i proračun uštede električne energije, koji dostiže i do 70%, izgradnju LED rasvjete na području navedene saobraćajnice smatram opravdanom investicijom. Nadamo se da će resorno Ministarstvo prepoznati važnost ovog projekta za Općinu Stari Grad te uz pomoć Općine realizirati isti.
	Odgovor:	Vaša inicijativa je proslijeđena Ministarstvu komunalne privrede, infrastrukture, prostornog uređenja, građenja i zaštite okoliša KS, akt broj: 13/19-12-2130/22.
	Odgovor dala:	Služba za investicije i komunalne poslove

4.	Ime i prezime vijećnika:	<b>ALMEDINA ZUKORLIĆ PAŠALIĆ</b>
	Tekst pitanja/inicijative	Inicijativa za postavljanje rasvjete u ulici Abadžiluk.
	Obrazloženje pitanja/inicijative:	Ulica Abadžiluk jedna je od frekventnijih ulica u Starom Gradu, a zbog neosvjetljenosti građani se ne osjećaju sigurnim za kretanje u toj ulici, naročito u uvjetima prisustva velikog broja migranata. U vezi sa navedenim, molim Vas da realizirate ovu inicijativu zarad sigurnosti naših građana.
	Odgovor:	<p>Stručna lica Službe za investicije i komunalne poslove su izvršila pregled stanja na terenu i ustanovila da je u ulici Abadžiluk postavljen veliki broj različitih rasvjetnih tijela na fasadama objekata (reflektori, kandelaberi, dekorativna rasvjeta, neonske sijalice i sl.). Sa izuzetkom kandelabra tipičnog izgleda, ne može se ustanoviti koje od navedenih svjetiljki pripadaju sistemu ulične javne rasvjete za čije održavanje je nadležno Ministarstvo komunalne privrede, infrastrukture, prostornog uređenja, građenja i zaštite okoliša KS. Isto Ministarstvo je nadležno za odobrenja za izgradnju, rekonstrukciju i proširenje ovog sistema. Različita rasvjetna tijela su postavljena i od strane trgovaca, te ugostitelja na fasade objekata.</p> <p>U narednom periodu ćemo obaviti konsultacije sa predstavnicima navedenog Ministarstva, te zajednički razmotriti Vašu inicijativu i prema datim uputama eventualno formirati prijedlog tehničkog rješenja za unaprijeđenje rasvjete u ovoj ulici.</p>
	Odgovor dala:	Služba za investicije i komunalne poslove

5.	Ime i prezime vijećnika:	<b>ALMEDINA ZUKORLIĆ PAŠALIĆ</b>
	Tekst pitanja/inicijative	Inicijativa za sanaciju trotoara ispred Konyali restorana između ulice Obala Kulina bana i Abadžiluk.
	Obrazloženje pitanja/inicijative:	U dijelu između ulice Abadžiluk i Obala Kulina bana, a ispred Konyali restorana, oštećen je trotoar udubljenjem na nekoliko mjesta što ga čini nesigurnim područjem za kretanje građana, naročito djece. Molim nadležnu službu da

*Almedina Zukorlić Pašalić*

		provjeri stanje te shodno potrebi, izvrši sanaciju ovog dijela trotoara kao i da uredi dio zelene površine koji se tu trenutno nalazi.
	Odgovor:	Trotoar na uglu ulica Abadžiluk i Obale Kulina bana je oštećen na više mjesta u formi udubljenja, od kojih je najveće oštećenje i neravnina prouzrokovana probijanjem i širenjem korjena visokog starog stabla na ovoj lokaciji. Radovima sanacije asfaltnog zastora trotoara će se morati pristupiti prema optimalnom tehničkom rješenju uz poštivanje i očuvanje ambijentalne, dendrološke i ekološke vrijednosti zelenila na predmetnom lokalitetu.
	Odgovor dala:	Služba za investicije i komunalne poslove

6.	Ime i prezime vijećnika:	<b>ALMEDINA ZUKORLIĆ PAŠALIĆ</b>
	Tekst pitanja/inicijative	Inicijativa za asfaltiranje ulice Budžak
	Obrazloženje pitanja/inicijative:	Ulica Budžak u Starom Gradu je u katastrofalnom stanju. Zbog činjenice da se u blizini nalaze stambene zgrade kao i parking, predškolska dječija ustanova i slično, molim vas da provjerite stanje asfalta u toj ulici te shodno potrebi izvršite rekonstrukciju i asfaltiranje.
	Odgovor:	Stručna lica Službe za investicije i komunalne poslove su već ranije detektovala stanje asfalta u ulici Budžak – MZ Bistrik, te je ulica delegirana još ranije za Nacrt budžeta za 2023. godinu. Kao što Vam je poznato budžet Općine Stari Grad Sarajevo za 2023. godinu je usvojen na sjednici Općinskog vijeća Stari Grad Sarajevo održanoj dana 29.11.2022. godine, te je istim obuhvaćena sanacija navedene ulice.
	Odgovor dala:	Služba za investicije i komunalne poslove

7.	Ime i prezime vijećnika:	<b>ALMEDINA ZUKORLIĆ PAŠALIĆ</b>
	Tekst pitanja/inicijative	Inicijativa - rasvjeta u ulici Faletići od broja 131- 139
	Obrazloženje pitanja/inicijative:	Građani su me obavijestili da na Faletićima imaju problem sa gradskom rasvjetom, kao i putem do kuće gdje nema rasvjete. Ukupno je 5 kuća, odnosno porodica, u ulici Faletići od broja 131 do 139. Već postoji veliki betonski stub na koji bi se mogla priključiti gradska rasvjeta. Naselje Faletići pripada rubnom dijelu naše Općine, u kojem je smještena i osnovna škola, a prema tome rasvjeta u navedenom dijelu ulice će povećati sigurnost i zaštitu građana/ki u njihovom kretanju.
	Odgovor:	Vaša inicijativa će se tretirati kao zahtjev za postavljanje novog rasvjetnog tijela u ulici Faletići od broja 131 do 139. Trenutno se razmatra znatan broj novih zahtjeva za postavljanje pojedinačnih rasvjetnih tijela na različitim lokacijama na teritoriji Općine Stari Grad Sarajevo, za koje su zatražene ponude za izvođenje. Osim procjene koštanja i pronalaženja tehničkog rješenja za ove radove, da bi se isti

	izveli, potrebno je pribaviti i saglasnost za proširenje/dogradnju ulične javne rasvjete nadležnog Ministarstva komunalne privrede, infrastrukture, prostornog uređenja, građenja i zaštite okoliša KS.
Odgovor dala:	Služba za investicije i komunalne poslove

	Ime i prezime vijećnika:	<b>ALMEDINA ZUKORLIĆ PAŠALIĆ</b>
	Tekst pitanja/inicijative	Inicijativa - Rekonstrukcija kanalizacione i vodovodne mreže u ulici Zmajevac.
	Obrazloženje pitanja/inicijative:	U ulici Zmajevac postoji problem domaćinstava koje nemaju priključak na kanalizacionu mrežu, već se koristi septička jama. S tim u vezi, upućujem inicijativu za rekonstrukciju kanalizacione i vodovodne mreže u ulici Zmajevac. Molim Vas da inicijativu proslijedite daljim instancama.
8.	Odgovor:	<p>U ulici Zmajevac postoji javna vodovodna mreža. Rekonstrukcija kanalizacione mreže u ulici Zmajevac, koju predlažete, predstavlja značajnu investiciju, a nije predviđena budžetom za 2023. godinu, niti za istu postoji projektno-tehnička dokumentacija.</p> <p>Prije planiranja takve investicije i izrade projektno-tehničke dokumentacije potrebno je dobiti smjernice sa prijedlogom tehničkog rješenja KJKP "Vodovod i kanalizacija" d.o.o. Sarajevo, kome se Vaša inicijativa prosljeđuje, akt broj: 13/19-12-2131/22.</p> <p>Ulica Zmajevac je duga ukupno 1,56 km, i samo djelomično naseljena, sa ukupno cca 45 kuća. Poznato je da je dio ovih domaćinstava, mahom ispod ceste, priključen na lokalnu kanalizacionu mrežu koja vodi kroz privatne parcele i priključuje se na javnu kanalizacionu mrežu u ulici Sarajevskih gazija. Broj kuća koje su locirane iznad ceste je cca 26, te mogu imati koristi od izgradnje kanalizacione mreže u trupu ove ulice, za čije priključenje bi bilo potrebno izgraditi separatnu kanalizacionu mrežu dužine preko 800 m. Samim tim je upitna isplativost ove investicije.</p>
	Odgovor dala:	Služba za investicije i komunalne poslove

Stručna obrada: Služba za investicije i komunalne poslove  
Sarajevo, 19.12.2022. godine

**POMOĆNIK NAČELNIKA**

  
Adis Hadžović


**VIJEĆNIČKA PITANJA I INICIJATIVE**  
Postavljene na 20. sjednici Općinskog vijeća Stari Grad Sarajevo

Ime i prezime vijećnika:	Almedina Zukorlić Pašalić
Tekst pitanja/inicijative	Inicijativa-Pokretanje eko farmi za proizvodnju zdrave hrane
Obrazloženje pitanja/inicijative:	<p>Podnosim inicijativu za ispunjenje svih preduvjeta koji bi omogućili domaćim firmama da pokrenu eko farmi za proizvodnju zdrave hrane. Eko voćem, povrćem i hranom proizvedenom na farmi, mogu se snabdijevati restorani, supermarketi, hoteli i sl. na području Općine Stari Grad i šire. U vremenu enormnih poskupljenja prehrambenih namirnica, od izuzetnog značaja je domaća proizvodnja. Proizvodnjom i kupovinom domaćih proizvoda jačamo privredu naše zemlje, ali ima i efekat na radna mjesta. S obzirom na to da Općina Stari Grad nema uvjete za uspostavu industrijske zone, a s druge strane sadrži na rubnim dijelovima veliku površinu obradive zemlje, potrebno je izvršiti analizu podobnih lokacija, pozvati investitore odnosno putem javnog poziva potencijalnim korisnicima sufinansirati mjeru podrške investicijama u primarnu poljoprivrednu proizvodnju, te u skladu sa zakonom obezbijediti potrebne saglasnosti. Također, za projekat pokretanja eko farmi zatražiti podršku resornih ministarstava na kantonalnom i federalnom nivou.</p> <p>Molim vijećnike i vijećnice da se izjasne o ovoj inicijativi.</p>
Odgovor:	<p>Pokretanje eko farmi za proizvodnju zdrave hrane na rubnim područjima Općine Stari Grad Sarajevo, putem javnog poziva potencijalnim korisnicima/investitorima bi bilo upitno iz više razloga, a prvenstveno zbog činjenice da je, uvidom u službenu dokumentaciju Odsjeka za geodetske poslove i katastar Općine Stari Grad Sarajevo te provjerom kroz katastarski operat, utvrđeno da na području Općine Stari Grad Sarajevo ima vrlo malo državnog poljoprivrednog zemljišta, obzirom da su vlasnici istog uglavnom fizička lica ili je zemljište u posjedu JP „Sarajevo-šume“, odnosno da istim Općina ne može raspolagati.</p> <p>Ovim putem ujedno ukazujemo na činjenicu da Općina Stari Grad Sarajevo, na čelu sa Općinskim načelnikom, a cijeneći značaj poljoprivredne proizvodnje na području Općine Stari Grad Sarajevo, posebno u uslovima enormne inflacije i porasta cijena osnovnih životnih namirnica, ulaže ogromne napore kako bi se obezbijedila finansijska sredstva za podsticaje u</p>

		<p>poljoprivrednoj proizvodnji te kako bi se omogućilo što većem broju stanovnika ove Općine da se bave poljoprivredom. U tom smislu, Općina Stari Grad Sarajevo je, u skladu sa Pravilnikom o utvrđivanju uslova i postupka za ostvarivanje prava učešća građana na podsticajna sredstva za razvoj poljoprivredne proizvodnje na području Općine Stari Grad Sarajevo, u tekućoj 2022. godini, obezbijedila i utrošila značajna sredstva za razvoj poljoprivredne proizvodnje (plastenička proizvodnja, nabavka sadnog materijala, stimulacije u pčelarskoj, stočarskoj, voćarskoj i gljivarskoj proizvodnji, nabavka poljoprivredne mehanizacije), u ukupnom iznosu od 219.807,43 KM te pružila izuzetnu pomoć velikom broju poljoprivrednih proizvođača sa područja Općine. Navedene aktivnosti namjeravaju se nastaviti i u narednoj 2023. godini, a za iste su u budžetu Općine obezbijedena veća novčana sredstva u odnosu na 2022. godinu.</p>
	Odgovor dala:	Služba za privredu

Stručna obrada: Služba za privredu

Sarajevo, 19.12.2022. godine

POMOĆNICA-NAČELNIKA  
  
Aldiana Kavazović, dipl. pravnik


**VIJEĆNIČKA INICIJATIVA**

Postavljena na 20. sjednici Općinskog vijeća Stari Grad Sarajevo

1.	Ime i prezime vijećnika:	Almedina Zukorlić Pašalić
	Tekst pitanja/inicijative	Inicijativa-Organizacija sajma zanata i turističkih agencija sa pobratimskim općinama 2023.godine
	Obrazloženje pitanja/inicijative:	Podnosim inicijativu za organizaciju sajma zanata i turističkih agencija sa pobratimskim općinama 2023.godine čiji bi domaćin bila Općina Stari Grad Sarajevo uz podršku Ministarstva privrede KS i Turističke zajednice KS. Cilj sajma je da pokaže turističke potencijale, prirodne i kulturno naslijeđe naše općine, da poveže predstavnike agencija i privrednika zainteresiranih za ovo područje te izraditi platformu za promociju i marketing turističkih proizvoda pobratimskih općina i Općine Stari Grad Sarajevo čime će se povećati obim saradnje, broj projekata, kao i broj zajedničkih projekata prema međunarodnim programima i donatorima...
	Odgovor:	Organizacija sajma zanata i turističkih agencija zahtijeva značajne organizacijske pripreme, kapacitete, logistiku, a prije svega iskustvo i praksu o organizaciji istog. Kao što Vam je poznato, Općina Stari Grad Sarajevo, kao jedinica lokalne samouprave nema direktne nadležnosti nad turizmom, a samim tim nema ni iskustvo, kapacitete i resurse za organizaciju sajmova. Imajući u vidu da ste ovu inicijativu naslovili i na Ministarstvo privrede Kantona Sarajevo, te Turističku zajednicu KS ista će im biti prosljeđena na razmatranje. Općina Stari Grad Sarajevo će se staviti na raspolaganje za svaku vrstu podrške i saradnje, posebno u dijelu komunikacije i dogovora sa pobratimskim općinama i gradovima.
Odgovor dala:	Služba za privredu	

Stručna obrada: Služba za privredu

Sarajevo, 19.12.2022. godine

**POMOĆNICA NAČELNIKA**  
**Aldiana Kavazović, dipl. pravnik**




Bosnia and Herzegovina  
Federation of Bosnia and Herzegovina

CANTON SARAJEVO  
Ministry for Education

Broj: 11-03/02-04-47488-1/22  
Sarajevo, 28.11.2022. godine

Općina Stari Grad Sarajevo - Općinsko vijeće  
Ul. Zelenih beretki br. 4, 71000 Sarajevo  
n/r predsjedavajućeg Općinskog vijeća



**PREDMET: Odgovor na vijećničku inicijativu, vijećnice Almedine Zukorlić Pašalić,**  
*- dostavlja se*

Cijenjeni,

Ministarstvo za odgoj i obrazovanje Kantona Sarajevo zaprimilo je vijećničku inicijativu vijećnice Almedine Zukorlić Pašalić, upućenoj na 18. redovnoj sjednici Općinskog vijeća Stari Grad Sarajevo, održanoj dana 18.10.2022. godine: „*da se provjere konstrukcije u svim školskim igralištima na području Starog Grada. Nakon informacije o povredi dječaka kod osnovne škole „Zajko Delić“ u Vogošći, kada je na njega pala konstrukcija gola, roditelji djece koja pohađaju osnovne škole na području Starog Grada uputili su molbu za inicijativu provjere konstrukcije u školskim igralištima*“.

U skladu sa navedenim, obavještavamo Vas da je Ministarstvo za odgoj i obrazovanje Kantona Sarajevo dana 01.10.2021. godine, uputilo *Instrukciju o pregledu prostora, opreme, rekvizita i nastavnih učila, br. 11-03/02-34-36475/21*, svim javnim i privatnim predškolskim ustanovama, svim osnovnim i srednjim školama, na mjestima gdje mogu postojati sigurnosni rizici (sportske sale, vajasna igrališta, kabineti prirodnih nauka, radionice i druga mjesta), a u skladu sa Pedagoškim standardima i općim normativima za osnovni odgoj i obrazovanje i normativima radnog prostora, opreme, nastavnih sredstava i učila po predmetima za osnovnu školu („Službene novine Kantona Sarajevo, broj: 30/18). U Instrukciji je navedeno da se na mjesečnom nivou vrši detaljan pregled opreme, rekvizita i nastavnih učila, a navedeni podaci da se unose u tabelu (koja je dostavljena u prilogu Instrukcije) te se ista dostavlja direktoru. Kad god se utvrdi da oprema nije ispravna, osoba koja vrši nadzor istu ODMAH stavlja van upotrebe i označava je oznakom NEISPRAVNO/OPASNO ZA UPOTREBU, te odgovorno lice pokreće proceduru otklanjanja neispravnosti ili zamjene novom opremom. Osim gore navedenog, odgovornost/nastavnici i svako drugo lice u školi će otkloniti neposredne opasnosti i ukazati na rizik koji primijeti. Podsjećamo da je održavanje igrališta u blizini JU OŠ „Zajko Delić“ Vogošća u nadležnosti Općine Vogošća, a Ministarstvo za odgoj i obrazovanje Kantona Sarajevo će i u budućnosti poduzimati sve mjere u cilju obezbjeđivanja sigurnosti učenika i svih aktera u odgojno-obrazovnom procesu.


S poštovanjem,

MINISTARICA

Naida Hota-Muminović

Dostaviti:

- naslovu;
- -a/a.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)